

A N D R E Æ M E L V I N I

Canali hanc longo penetrat mare per loca plana
 Infusum atque alto paulo magis margine terra
 Arctatum in se ingens infundit latius aquor
 Præbeat ut speciem Stagni, placidaque paludis
 Sive lacus, fida hic ratibus statio: Abria nomen,
 Hinc & vicina circum circa Regioni
 Scoria qua patet in latum, tres hæc Regiones
 Marria, Badenacha, atque hæc Abria complectuntur,
 Quicquid & occidentale, quod pontum & inter Eoum est,
 Ad Boream longæ Buchania proxima Marria,
 Quæ divisa ab ea pinguescit flumine Donâ,
 Inque Caledonium se exporrigit omnibus una
 Longius hæc Regio mare: fœtu & fruge beata
 Ad vitam & sibi sufficiens. Salmonibus amnes,
 Præter Ratram amnem, qui nullum admittit, abundant,
 Admiranda quidem vasto spelunca recessu,
 Littoreis excisum undis è rupibus antrum,
 Cujus nativo jurgi de fornice lymphæ
 Guttatim laticum distillans, vertitur omnis
 In lapidum cito pyramidas saxumque glaciemque
 Inter naturæ ambiguae atque friabilis: ut nec
 Marmoris in robur durum unquam consolidescat,
 Sed nec dissiliat glaciæ futilis instar,
 Quod nisi purgaret vis hæc humana subinde
 Talibus illa brevi compleret molibus antrum:
 Hanc ultra ad Boream Bonna est atque Ænia parva
 A quævis Spæa amnis dirimit Moravica Tempe;
 Spæa est Badenacha flumen dorso ortus ab alto
 Inde lucum facit unde erumpit lutea, qui se
 Occiduum in pontum devolvit: ad ostia cuius
 Nobilis urbs quondam cui Ennerlitea nomen.
 Emporio locus aptus ibi arx Evonia, quondam
 Regia, dum Stephanum quæ nunc falso esse putatur,
 Cujus adhuc arcis monstrat vestigia Lorna,
 Exiguas Regionum aliquot Buchania, se inter
 Nerea & occidentale quævis nil memorabile claudunt
 Spæam ultra ad Nessum usque Moravia nomine Varar
 Creditur antiquo terram Germanicus inter
 Hos amnes agit Oceanus Laxam inque cadentem
 Urget agens solem retro, curvoque recessu
 Castigat: vastoque sinu lata arva coercet
 Frugibus armentis: pomis & amana vireta
 Præcipua oppida habet Elgiam Loxiam ad amnem,
 Et Nessum urbem ad Nessum amnem semperq; tepentem,
 Et nunquam glaciæ concretum aut frigore pigrum,
 Verum hyeme egelida glaciæ fragmina in ipsum
 Insecta undarum solventem & crusta tepore;
 Urbs Nessus, fluvius Nessus, lacus hic quoque Nessus,
 Millia qui bis dena patet bis binaque longus; (est,
 Unde amnis Nessus, quem Nessum urbs Nessus ad amnem
 Hic coeat mare utrumque Caledonia Amphitrita
 Denique Caledonius Nereus: ni millia ad octo
 Obstaret terra cervix angustior, atque
 Cætera pars esset liquido circumfusa ponto
 Insula. Quicquid Nessum ultra fluviumque, lacumque,
 Fauceque angustas, quadruplex Provincia fertur
 Rosia, longa magis, quam lata Naveria ab amne
 Naverio & Sutherlandia finitima illis:
 Atque tribus promontoriis Cathanesia clara
 Rosia Nessi ultra lata ostia Solis ad ortum

Excelsis promontoriis excurrit in altum,
 A mare recta Caledonio ad mare Deucalidum
 Qua sese in montes inculta atque aspera tollit,
 Quo sese in campos late explicat omnis amœna
 Vallibus irriguis, piscosisque amnibus, atque
 Piscosis lacubus, quorum qui maximus omnium
 Est lacus halecum fœcundus nomine Lubrum;
 Deucalidonio occidui à maris aquore litus
 Castigat, sensim se & Phœbi inflectit in ortum.
 Littore ab extremo Oceanus, quod pulsat Eous,
 Excelsasque inter rupes, scopulosque minaces
 Interius sibi pandit iter tutosque receptus,
 Inque sinum salis spatiosum se explicat unda,
 Perfugium undoso jactatis aquore nautis
 Adversus tempestates portusque salutis:
 Qui facilis proclivi aditu ingredientibus, atque
 Ingressis tuti est statio placidissima portus,
 Qualis Virgiliana sinu Carthagenis ora
 Indigena Crommartæum dixerat recessum.
 Proxima cui gelidam extrema Naveria ad Arcton,
 Quam luce à Phœbi mediana Rosia claudit,
 Solis ab Occasu & Septem-regione-Trionis
 Deucalidoneus Nereus Cathanesia ab ortu:
 Omnibus interjecta Suther quæ Landia fertur,
 Finitima hæc aliqua tangit cœli à Regione
 Solis ab occasu tangit Naveriam; ab Ortum
 Rosiam, & à medio Phœbo Cathanesiam, ab Arcto
 Montibus ostentat candentia marmora longè.
 Ultima Hyperboream spectat Cathanesia ad Arcton,
 Quaque plaga occurrit vicina Naveria; duplex
 Deucalidonio occidui maris aquore litus
 Castigat sensim, atque æstivum se flectit in Ortum.
 Hæc Regio latam anguste in frontem extrahit oram,
 Hæc tria se in fronte attollunt promontoria, altum
 Maxime in occidua Naveria, & hoc Ptolomæo est
 Orcas Tarvedumque: minus sublimia fidunt
 Vervedrum nec Berubium non, nunc Bea Dunis
 Radicem ad collis modicus sinus est, ubi portus
 Navicula appulse retinent tritum Orcadis usum,
 Gernica forte arx, hic nunc, quæ Cornavia quondam.
 Insule Oceano in magno quæ Albina coronant
 Littora, & imperio parent Regum Albigenarum,
 In tres distinctæ triplici sunt ordine classes,
 Vtputa in Occiduas, inque Orcadas, inque Hethlandas,
 Surgentem ad Solem & Boream in Thetide terna
 Occidua Ebuda, Acmoda sunt Hebrides, atque
 Hemoda, & variis tot nominibus vocitantur,
 A præcisque novisque Mela Strabone Capella
 Plinio & ingenti Solinoque & Ptolomæo,
 Sexcentisque aliis genuit quos serior ætas:
 Quas & Norvegi & Dani tenuere per annos
 Centum & sexaginta, Donaldò à tertio ad usque
 Tertium Alexandrum, cum sacrum dira sepulchrum
 Bella per Artolatras Europæ Asiæque ciceret.
 Victus vestitus ratioque domestica præsum
 In morem parca est, est obsonatio & illis
 Venatus nec non piscatio, fluminis unda
 Infusa in cæsi pecoris pellem, aut in omasum:
 Igne coquunt carnem, aut expresso sanguine crudâ
 Pascuntur nonnunquam, ipsi in venatibus acres